



Jadual Pembacaan Khutbah Jumaat

Siri 6/2023

(Bulan Jun Tahun 2023)

تاریخ	تاجوق	ب
2 Jun 2023M/ 13 Zulkaedah 1444H	Santuni Tetangga: Membawa Ke Syurga	1.
9 Jun 2023M/ 20 Zulkaedah 1444H	Sempena MTHQK 2023: Al-Quran Sahabat Sejati, Teman Sehidup Semati	2.
16 Jun 2023M/ 27 Zulkaedah 1444H	Sempena MTHQK 2023: Kenali dan Kenalkan Al-Quran, Manual Kehidupan	3.
23 Jun 2023M/ 4 Zulhijjah 1444H	Berkorban Demi Cinta	4.
30 Jun 2023M/ 11 Zulhijjah 1444H	Hikmah Di Sebalik Ibadah Haji	5.
Khutbah Kedua		

دبیایاء:



زكاة فولاو فینغ

دتریبتکن:



جابتن حال إحوال اقام اسلام فولاو فینغ

Jawatankuasa
Panel Semakan Teks Khutbah
Negeri Pulau Pinang

- 1. SS Dato' Seri Dr. Haji Wan Salim bin Wan Mohd Noor (Pengerusi)**
Mufti Kerajaan Negeri Pulau Pinang
- 2. Y.Bhg Dato' Rosli bin Othman**
Ahli Jawatankuasa Fatwa Negeri Pulau Pinang
- 3. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Ahli Jawatankuasa Fatwa Negeri Pulau Pinang
- 7. Ustaz Subki bin Mohamed**
Mantan Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab (Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Santuni Tetangga: Membawa Ke Syurga

2 Jun 2023M/ 13 Zulkaedah 1444H

الحمد لله العزيز الغفار، مَكْوَرِ اللَّيْلِ عَلَى النَّهَارِ، أَمَرْنَا بِحُسْنِ الْجَوَارِ،
وَأَثَابَنَا عَلَى ذَلِكَ مَنَازِلَ الْأَبْرَارِ.
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، يُجَازِي مَنْ أَحْسَنَ إِلَى الْجَارِ،
وَأَشْهَدُ أَنَّ سَيِّدَنَا مُحَمَّدًا عَبْدُ اللَّهِ وَرَسُولُهُ.
فَاللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ الْكَرَامِ الْأَطْهَارِ،
وَعَلَى أَصْحَابِهِ الْبَرَّةِ الْأَخْيَارِ، وَعَلَى مَنْ تَبِعَهُمْ بِإِحْسَانٍ إِلَى يَوْمِ الْقَرَارِ.
أَمَّا بَعْدُ، فَاتَّقُوا اللَّهَ، يَا عِبَادَ اللَّهِ، فَإِنَّ خَيْرَ الدُّنْيَا وَالْآخِرَةِ بِتَقْوَى اللَّهِ.

PARA TETAMU JUMAAT YANG DIKASIHI SEKALIAN,

Pada kesempatan yang mulia ini, bertakwalah sekalian kamu kepada Allah **سُبْحَانَهُ وَتَعَالَى** dengan sebenar-benar takwa, dan janganlah kamu mati melainkan dalam keadaan Islam. Semoga kita semua berada dalam kasih sayang dan rahmat Allah.

Sebelum melanjutkan bicara, suka khatib memberi peringatan. Marilah kita tinggalkan perkara lagha yang bertentangan dengan sunnah serta adab, iaitu tindakan yang memesongkan perhatian daripada mendengar khutbah dan isi kandungannya. Ini termasuklah perbuatan berbual-bual, tidur dengan sengaja, bermain telefon bimbit dan



menggerakkan tabung masjid. Mimbar pada hari ini akan membicarakan khutbah bertajuk: “**Santuni Tetangga: Membawa Ke Syurga.**”

SIDANG JUMAAT YANG DIHORMATI SEKALIAN,

Dalam kehidupan, agak mustahil untuk kita hidup seorang tanpa ada interaksi dan muamalat dengan orang lain. Manusia diciptakan untuk saling melengkapi dan akan sentiasa berurusan untuk memenuhi keperluan masing-masing. Atas dasar itu, manusia pastinya tidak dapat mengelakkan diri dari hidup berjiran dan bersosial.

Antara aspek yang ingin khatib tekankan dalam khutbah kali ini adalah berkaitan *haqqul irtifaq* (حَقُّ الْإِرْتِفَاقِ) yang bermaksud penjagaan hak bersama dan perkara yang perlu dipelihara demi mengekalkan keharmonian dalam masyarakat.

Ini termasuklah penggunaan jalan yang telah digazetkan. Sekiranya jalan tersebut berada di atas milikan seseorang namun telah biasa digunakan oleh orang awam, maka empunya tanah tersebut dilarang membuat halangan kepada orang yang melaluinya.

Begitu juga jika kita tinggal dalam komuniti taman perumahan yang mana kita berkongsi jalan, dinding, bumbung dan sebagainya. Sebagai contoh, jalan utama di hadapan rumah, rizab jalan di belakang rumah atau mana-mana laluan awam. Kita dilarang untuk membuat halangan sama ada dengan kenderaan, binaan, pagar yang berkunci, batu atau menanam tanaman yang boleh menghalang pandangan, atau halangan yang menyebabkan kerosakkan kepada harta benda orang lain.

SIDANG JUMAAT SEKALIAN,



Mencabul hak kebersamaan dan hak kejiranan adalah haram hukumnya di sisi syarak. Ia seolah-olah kita menyakiti perasaan, menyebabkan keresahan dan kesulitan kepada anggota masyarakat. Apatah lagi sehingga boleh menyebabkan kerosakan kepada harta dan kemudahan kepada orang lain. Kes-kes seperti ini telah banyak menyebabkan pergaduhan malah berlaku pertumpahan darah dan kematian.

Allah **سُبْحَانَهُ وَتَعَالَى** memerintahkan agar setiap anggota masyarakat memelihara kerukunan dan melarang tindakan yang boleh menyebabkan permusuhan. Firman-Nya dalam surah Al-Qasas ayat 77:

وَابْتَغِ فِيمَا آتَاكَ اللَّهُ الدَّارَ الْآخِرَةَ وَلَا تَنْسَ نَصِيبَكَ مِنَ الدُّنْيَا وَأَحْسِنَ كَمَا أَحْسَنَ
اللَّهُ إِلَيْكَ وَلَا تَبْغِ الْفُسَادَ فِي الْأَرْضِ إِنَّ اللَّهَ لَا يُحِبُّ الْمُفْسِدِينَ ﴿٧٧﴾

Maksudnya: “Dan carilah pada apa yang telah dianugerahkan Allah kepadamu (kebahagiaan) negeri akhirat, dan janganlah kamu melupakan bahagianmu dari (kenikmatan) duniawi dan berbuat baiklah (kepada orang lain) sebagaimana Allah telah berbuat baik kepadamu, dan janganlah kamu berbuat kerosakan di (muka) bumi. Sesungguhnya Allah tidak menyukai orang-orang yang berbuat kerosakan.”

SIDANG JUMAAT SEKALIAN,

Tahukah sekalian yang hadir pada hari Jumaat ini bahawa para ulamak telah memperincikan *haqqul irtifaq* (حَقُّ الْإِرْتِفَاقِ) ini kepada enam bahagian iaitu:

Pertama: Hak mendapat air minuman, disebut sebagai *haqqusy syurbi* (حَقُّ الشُّرْبِ).

Kedua: Hak untuk mendapatkan air bersih iaitu *haqqul majra* (حَقُّ الْمَجْرَى).

Ketiga: Hak mengalirkan air buangan atau kumbahan iaitu *haqqul masil* (حَقُّ الْمَسِيل).

Keempat: Hak melalui satu-satu jalan untuk orang awam iaitu *haqqul murur* (حَقُّ الْمُرُور).

Kelima: Hak berkaitan perkongsian bangunan atau strata, iaitu *haqqul ta'ali* (حَقُّ التَّعَالِي).

Keenam: Hak kejiranan, juga disebut sebagai *haqqul jiwar* (حَقُّ الْجَوَار).

Gagalnya anggota masyarakat memahami dan menjiwai hak-hak awam inilah yang menyebabkan isu-isu kejiranan dan masalah perseteruan sukar diselesaikan. Tidak kira sama ada masyarakat di kampung, bandar, taman perumahan, pangsapuri dan sebagainya.

Isu ini menjadi lebih rumit dengan adanya media sosial seperti *Whatsapp*, *Facebook* dan *Instagram*. Gambar dan video mudah dirakam lalu ditularkan sehingga adakalanya menyebabkan masalah menjadi lebih keruh. Maka, jadilah keadaan di mana masing-masing berbalas hujjah dan menokok tambah apa yang tidak sepatutnya.

SIDANG JEMAAH YANG DIRAHMATI ALLAH,



Berdasarkan kepada perincian para ulamak maka ketahuilah bahawa:

Haqqul majra (حَقُّ الْمَجْرَى) dan haqqusy syurb (حَقُّ الشُّرْبِ) adalah dua hak yang memahamkan kita bahawa seorang mukmin dilarang daripada memudaratkan, menyekat, dan menghalang orang lain untuk mendapatkan air minuman bersih, termasuklah air untuk menyiram tanaman dan memberi haiwan peliharaan minum.

Haqqut ta'ali (حَقُّ التَّعَالَى) pula menetapkan bahawa penduduk di rumah atas tidak boleh menambah binaan rumahnya sehingga menyebabkan kerosakan struktur rumah jiran di bawahnya. Begitu juga rumah di bawah dilarang menambah apa-apa binaan yang boleh menyusahkan komuniti rumah pangsa tersebut. Jika paip rumah jiran di atas tersumbat, maka jiran di bawah wajib membenarkan proses pembaikan dilakukan kerana saluran paip orang di atas berada di rumahnya.

Ini juga berkaitan dengan haqqul masil (حَقُّ الْمَسِيلِ). Perkara-perkara ini sebahagiannya ada dinyatakan dalam undang-undang iaitu Akta Hak Milik Strata 1985. Haqqul masil (حَقُّ الْمَسِيلِ) pula memberitahu kita bahawa setiap rumah berhak mengalirkan kumbahan ke tempat yang sepatutnya seperti yang dibenarkan pihak berkuasa tempatan dan undang-undang.

Haqqul murur (حَقُّ الْمُرُورِ) pula memahamkan kita bahawa agama melarang seseorang membuat halangan seperti membuat pagar, parit dan apa sahaja penghadang untuk menghalang laluan orang ramai atau

menghalang pemilik tanah dan rumah orang lain untuk sampai ke kediaman atau harta mereka.

Haqqul jiwar (حَقُّ الْجَوَارِ) mengajak setiap anggota masyarakat agar tidak mencerooboh ketenteraman jiran tetangga dengan membuat bising, membuang sampah, membiarkan binatang pemeliharaan seperti kucing atau anjing membuang najis di rumah jiran, membuat tembok dan cucur atap sehingga menyebabkan jiran terganggu dan memudaratkan harta jiran.

Masih ingatkan kalian peristiwa di sebuah pangsapuri di Pantai Dalam, Kuala Lumpur, suatu ketika dahulu yang menyebabkan seorang pelajar mati dalam keadaan mengerikan sehingga pecah kepalanya kerana sikap tidak bertanggungjawab seorang penduduk yang melempar kerusi pejabat dari tingkat atas.

Begitulah sempurnanya Islam yang syumul ini dalam mengambil berat tentang pemeliharaan hak yang paling asas dalam kehidupan manusia. Ingatlah sidang muslimin sekalian, Nabi ﷺ telah berpesan:

لَا يَدْخُلُ الْجَنَّةَ مَنْ لَا يَأْمَنُ جَارَهُ بَوَائِقَهُ

Bermaksud: “Tidak akan masuk syurga sesiapa yang tidak aman jirannya dari kejahatannya.”

﴿Hadis Riwayat Muslim﴾

SIDANG JEMAAH YANG DIMULIAKAN ALLAH,

Pastikan apa yang diperkatakan khatib pada hari ini dapat menjadi titik muhasabah diri masing-masing. Ayuh kita renungi dan fikirkan beberapa persoalan berikut:

Pertama: Adakah apa yang kita lakukan selama ini telah menyebabkan keresahan jiran tetangga?

Kedua: Adakah tindakan kita telah merosakkan harta orang lain?

Ketiga: Adakah betul keputusan kita, apabila ia menyukarkan dan menghalang orang lain untuk mengakses satu-satu jalan?

Keempat: Adakah perbuatan kita, telah menyebabkan jiran tetangga berkecil hati? dan

Yang Kelima: Adakah kesombongan kita telah menyebabkan orang lain teraniaya?

Jika ada kekhilafan yang telah kita lakukan sebelum ini, maka mohonlah kemaafan daripada mereka yang telah kita sakiti. Perbetulkan semula apa yang tersilap dan permudahkanlah urusan jiran tetangga. Mudah-mudahan, masyarakat kita dapat hidup dalam rukun dan damai, seterusnya menambah keberkatan hidup dengan asbab persaudaraan dan mahabbah sesama manusia.

Ingatlah, menyantuni tetangga, membawa ke Syurga.

Firman Allah **سُبْحَانَهُ وَتَعَالَى** di dalam Surah An Nisa' ayat 36:

وَأَعْبُدُوا اللَّهَ وَلَا تُشْرِكُوا بِهِ شَيْئًا ۖ وَالْوَالِدَيْنِ إِحْسَنًا وَبِذِي الْقُرْبَىٰ وَالْيَتَامَىٰ
وَالْمَسْكِينِ وَالْجَارِ ذِي الْقُرْبَىٰ وَالْجَارِ الْجُنُبِ وَالصَّاحِبِ بِالْجَنبِ وَابْنِ السَّبِيلِ وَمَا
مَلَكَتْ أَيْمَانُكُمْ ۚ إِنَّ اللَّهَ لَا يُحِبُّ مَن كَانَ مُخْتَالًا فَخُورًا ﴿٣٦﴾

Maksudnya: “Dan hendaklah kamu beribadah kepada Allah, dan janganlah kamu mempersekutukan-Nya dengan sesuatu jua, dan hendaklah kamu berbuat baik kepada kedua ibu bapa dan kaum kerabat, dan anak-anak yatim, dan orang-orang miskin, dan jiran tetangga yang dekat, dan jiran tetangga yang jauh, dan rakan sejawat, dan orang musafir yang terlantar, dan juga hamba sahaya yang kamu miliki. Sesungguhnya Allah tidak suka kepada orang-orang yang sombong takabbur dan membangga-banggakan diri.”

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِهِدْيِ سَيِّدِ الْمُرْسَلِينَ، أَقُولُ
مَا سَمِعْتُمْ، وَأَسْتَغْفِرُ اللَّهَ لِي وَلَكُمْ، وَلِسَائِرِ الْمُسْلِمِينَ مِنْ كُلِّ ذَنْبٍ، فَاسْتَغْفِرُوهُ،
إِنَّهُ هُوَ الْغَفُورُ الرَّحِيمُ.



خطبة كدوا بولن جون

2023M/ 1444H

الْحَمْدُ لِلَّهِ عَلَى الْآلَاءِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِسَانِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِينَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ
وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا
حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا

﴿الأحزاب: 56﴾

اللَّهُمَّ صَلِّ وَسَلِّمْ عَلَى عَبْدِكَ وَرَسُولِكَ مُحَمَّدٍ نِ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ
إِلَى يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.

اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،



Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالرُّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP). Semoga sumbangan 10% daripada hasil kutipan Tabung Jumaat mingguan dari setiap masjid kepada Tabung Wakaf yang telah ditubuhkan, menjadi saham yang berkekalan manfaatnya, di dunia dan akhirat.

Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat

menghindari perbuatan khianat, salah guna kuasa dan harta, memberi atau menerima rasuah dan segala perbuatan durjana yang merosakkan kepentingan agama, masyarakat dan negara.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠﴾ فَادْكُرُوا اللَّهَ الْجَلِيلَ يَذْكُرْكُمْ،
وَأَشْكُرُوهُ عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١١﴾